

NO. SOALAN: 13

**PEMBERITAHUAN PERTANYAAN BAGI JAWAB LISAN
DEWAN RAKYAT**

PERTANYAAN : LISAN

**DARIPADA : DATO' SRI AZALINA BINTI DATO'
OTHMAN SAID [PENGERANG]**

TARIKH : 24 NOVEMBER 2014

RUJUKAN : 7237

SOALAN:

Dato' Sri Azalina binti Dato' Othman Said [Pengerang] minta **MENTERI DALAM NEGERI** menyatakan adakah Kementerian akan membina satu pusat tahanan sementara PATI di Parlimen Pengerang atau Kota Tinggi untuk menempatkan PATI yang telah ditangkap dari memasuki kawasan Pengerang memandangkan mereka diletakkan sementara di lokap IPD Kota Tinggi sehingga menyebabkan kapasiti melebihi yang sepatutnya.

JAWAPAN :

Tuan Yang di-Pertua,

Kerajaan tidak berhasrat untuk membina satu pusat tahanan sementara pendatang asing tanpa izin (PATI) di Parlimen Pengerang atau Kota Tinggi kerana depot tahanan yang sedia ada berdekatan iaitu depot tahanan Pekan Nenas dan Lokap Jabatan Imigresen Malaysia cawangan Setia Tropika, Johor Bahru masih mampu untuk menampung PATI yang ditahan. Kementerian melalui Jabatan Imigresen Malaysia sedang dalam proses menaiktaraf depot-depot sedia ada bagi menampung pertambahan kapasiti PATI.